

UGOVOR **o nabavci papira za fotokopiranje**

Zaključen između:

1. „AVDIĆ 3A“ d.o.o. Sarajevo, sa sjedištem u ul.Mala Aleja bb (KSC Ilidža), Sarajevo, Ilidža kojeg zastupa direktor Avdić Mesud, ID broj 4200601070000 (u daljem tekstu: Prodavac),
2. JAVNA USTANOVA „DRUGA OSNOVNA ŠKOLA“ ILIDŽA/HRASNICA, sa sjedištem u ulici Školska 1, Ilidža/Hrasnica, kojeg zastupa Almir Česko, direktor škole, ID broj 4200035880007 (u daljem tekstu: Kupac).

PREDMET UGOVORA

Član 1.

Predmet ovog Ugovora je nabavka robe – **papira za fotokopiranje**, u skladu sa ponudom Prodavca br. 004-5/19 od 06.05.2019.godine.

TRAJANJE UGOVORA

Član 2.

Ugovor prestaje da važi isporukom robe iz člana 1. ovog Ugovora.

CIJENA

Član 3.

Cijena koju će Kupac isplatiti Prodavcu za robu iz člana 1. Ugovora, a prema ponudi Prodavca iznosi 819,34 KM bez PDV-a, odnosno 958,63 KM sa PDV-om.

USLOVI I NAČIN PLAĆANJA

Član 4.

Plaćanje će se izvršiti u roku od 60 dana od dana zaprimanja računa/fakture za stvarno isporučenu robu. Plaćanje se obavlja na račun Prodavca.
Prodavac je dužan izdati fakturu u skladu sa odredbama pozitivnih propisa iz oblasti poreza, u suprotnom ista neće biti plaćena i biće vraćena Prodavcu na usklađivanje.

ROK ISPORUKE

Član 5.

Prodavac se obavezuje da će isporučiti naručiocu robu u roku od 7 dana od dana potpisivanja ovog Ugovora.
Po prijemu pošiljke naručilac je dužan istu pregledati, te o eventualnim reklamacijama obavijestiti Prodavca bez odlaganja, u roku od 24 sata, koji je obavezan istu preuzeti i dostaviti drugu.

ODGOVORNOST ZA MATERIJALNE I PRAVNE NEDOSTATKE

Član 6.

Prodavac odgovara za materijalne nedostatke robe koje je ona imala u času prelaza rizika na Kupca, bez obzira na to da li mu je to bilo poznato. Prodavac odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga. Obavijest o materijalnom nedostatku robe, Kupac je dužan detaljno opisati nedostatak i pozvati Prodavca da

pregleda robu. Ako obavijest o materijalnom nedostatku koju je Kupac blagovremeno poslao Prodavcu preporučenim pismom, telefaksom ili na neki drugi pouzdan način, zakasni ili uopšte ne stigne Prodavcu smatra se da je Kupac izvršio svoju obavezu da obavijesti Prodavca. Nedostatak postoji ako ugovorena i isporučena roba nema svojstva i odlike koje su izričito određene ovim Ugovorom.

STUPANJE UGOVORA NA SNAGU

Član 7.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi sa ovim Ugovorom računaju se od dana stupanja Ugovora na snagu.

RJEŠAVANJE SPOROVA

Član 8.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana za rješavanje spora nadležan je općinski sud u Sarajevu.

OSTALE ODREDBE

Član 9.

Izmjene i dopune ovog Ugovora mogu se vršiti samo pisanim putem. Biće punovažne i obavezujuće ugovorne strane samo one izmjene i dopune koje su sačinili sporazumno u pisanoj formi.

Član 10.

Ovaj Ugovor je sačinjen u 4 istovjetna primjerka od kojih svaka ugovorna strana zadržava po 2 primjerka.

Prodavac:

„AVDIĆ 3A“ d.o.o. Sarajevo


Avdić Mesud
Direktor



Broj: 19-V/19

Datum: 06.05.2019.godine

Kupac:

JU „DRUGA OSNOVNAŠKOLA“
ILIDŽA/HRAŠNICA


Česko Almir
DIREKTOR ŠKOLE



Broj:38-665-2/19

Datum: 06.05.2019.godine